

LIBRARY Bazaar

PTAR UiTM Cawangan Pulau Pinang



UNIVERSITI
TEKNOLOGI
MARA

BIL. 1/2024
JAN - MAC

Program Team Building PTAR UiTMCPP di Sumpitan Glamping, Lenggong, Perak- 27 & 28 Februari 2024

PTAR UiTMCPP telah mengadakan program Team Building di Sumpitan Glamping, Lenggong, Perak, pada 27 dan 28 Februari 2024. Program ini bertujuan mengeratkan hubungan dan memupuk semangat berpasukan. Aktiviti termasuk taklimat, aktiviti berkumpulan, solat berjemaah, tazkirah, sambutan hari lahir, dan penyampaian hadiah. Seramai 19 staf dan tiga pelajar praktikal menyertai program ini.

Hari kedua dimulakan dengan solat subuh, brisk walking, dan acara bertukar hadiah. Dalam ucapan penutup, Tuan Haji Ahmad Faizar Jaafar berterima kasih atas kerjasama semua dan berharap program seperti ini diteruskan. Rombongan pulang ke UiTMCPP pada jam 4.30 petang.



Resonance of Liberation : Save Palestine (A Poem Recital Session)

17 JANUARI 2024



PTAR UiTMCPP Kampus Permatang Pauh, dengan kerjasama Akademi Pengajian Bahasa UiTMCPP, telah menganjurkan sesi deklamasi sajak di Ruang Library Community Engagement (LCE) sebagai sokongan kepada kempen "Save Palestine". Program yang berlangsung dari jam 8.00 pagi hingga 10.00 pagi ini melibatkan 17 pelajar Kejuruteraan Elektrik di bawah bimbingan pensyarah, Cik Marni Jamil, bertujuan mengasah bakat pelajar dalam kemahiran pengucapan awam sambil menyatakan solidariti terhadap isu semasa.

Sesi ini turut dimeriahkan dengan kehadiran Timbalan Pustakawan Kanan, Tuan Haji Faizar bin Jaafar, Puan Noraziah Mohd Amin, Pensyarah Kanan Akademi Pengajian Bahasa, serta pelajar-pelajar kelas Cik Marni, menjadikan program ini lebih bermakna.

Masjid Al-Aqsa untuk Semua Umat Islam : Perantara Perjalanan Israk Mikraj dan Kepentingannya

5 FEBRUARI 2024



Bertempat di Ruang Library Community Engagement, PTAR UiTMCPP Kampus Permatang Pauh telah berlangsung Program Bicara Ilmu yang bertajuk **Masjid Al-Aqsa untuk Semua Umat Islam : Perantara Perjalanan Israk Mikraj dan Kepentingannya**. Program yang dijalankan secara hibrid ini turut disertai oleh para peserta daripada Rumah Ngaji Pulau Pinang, pelajar-pelajar Mutawif dan staf UiTM.

Antara inti pati ceramah yang disampaikan oleh Ustaz Manis ialah tentang sejarah pencabulan Palestin oleh Israel sejak 75 tahun yang lalu dan peranan umat Islam di dunia untuk memberi perhatian kepada Palestin kerana ia merupakan tanah yang diberkati dan menjadi naungan seluruh umat Islam.

Tuan Haji Ahmad Faizar Jaafar selaku Timbalan Ketua Pustakawan serta Puan Hajah Zaiton Zariyah Abdullah, wakil daripada Rumah Ngaji Pulau Pinang turut sama mengikuti program ceramah yang dihadiri seramai 109 orang peserta fizikal dan 540 penonton secara langsung di Facebook PTARUiTMCPP.



Sparkle Through Speech 3.0 Digital Dialogue : Mastering Communication Skills

14 & 15 FEBRUARI 2024



Akademi Pengajian Bahasa UiTMCPP bersama PTAR UiTMCPP, Pusat Pendidikan UPM, Universitas Negeri Padang (UNP), Indonesia, dan Podcaster Bakat Muda UiTMCPP telah menganjurkan Program Sparkle Through Speech 3.0 pada 14 dan 15 Februari 2024. Diadakan di PTAR UiTMCPP, program ini melibatkan 45 pelajar sekolah rendah dan anak-anak staf UiTM Cawangan Pulau Pinang. Antara aktiviti menarik termasuk sesi ice breaking "Who Am I?", "Positive Affirmation & Chant Creation", "Build and Describe" menggunakan Lego, serta bengkel "Speed Reading" oleh Puan Farleen Azrina Zamberi.



Pada hari kedua, peserta mengikuti sesi Google Meet bersama Dr. Ridha Hasnul Ulya dari Universitas Negeri Padang dan sesi bersama Podcaster Bakat Muda, Whatnow? Jom Ah Lepak. Program ini bertujuan memupuk semangat berpasukan dan keyakinan dalam pengucapan awam.

Apple Technology for Education @PTAR: Apple Teacher Briefing & Do More with iPad

8 MAC 2024



PTAR UiTM Cawangan Pulau Pinang telah menganjurkan sesi perkongsian bertajuk **Apple Technology for Education @ PTAR: Apple Teacher Briefing & Do More with iPad** pada **8 Mac 2024 (Jumaat)**. Program ini berlangsung dari jam 10.00 pagi hingga 11.00 pagi di Ruang Library Community Engagement (LCE), PTAR UiTMCPP.

Sesi ini dihadiri oleh 16 orang staf UiTM Cawangan Pulau Pinang dan disampaikan oleh wakil dari Apple Switch. Tujuan utama sesi ini adalah memberi pendedahan tentang penggunaan Apple Teacher dan iPad untuk meningkatkan pengalaman pembelajaran dan pengajaran secara lebih efektif dan interaktif.

Unlock Your Voice & Speak to Win 2.0

11 MAC 2024




Pada 11 Mac 2024, Program Unlock Your Voice & Speak to Win 2.0 yang dianjurkan oleh Akademi Pengajian Bahasa UiTMCPP dengan kerjasama PTAR UiTMCPP telah diadakan dengan jayanya. Program siri ke 2 ini melibatkan penyertaan peserta dalam kalangan pensyarah bagi meningkatkan keyakinan untuk bertutur di dalam Bahasa Inggeris. Di akhir program, para peserta diberikan peluang untuk membuat pengucapan awam di hadapan audiens, fasilitator dan jemputan lain.



Cik Nor Azilawati Mohamad Azmi selaku wakil PTAR UiTMCPP telah berbesar hati menyampaikan ucapan alu-aluan kepada para peserta dan jemputan yang hadir. Dr. Katie Haning daripada Universiti Sains Malaysia Pulau Pinang telah dijemput sebagai fasilitator jemputan bagi memeriahkan program. Diharap program seumpama ini dapat diteruskan bagi memenuhi objektif penganjurannya.

Kelas Digital Percuma : Capcut Video Editing

20 MAC 2024



PTAR UiTMCPP dengan kerjasama Digital Penang telah menganjurkan kelas digital percuma: CapCut Video Editing pada 20 Mac 2024. Program ini berlangsung dari jam 10.00 pagi hingga 12.00 tengah hari di Pusat IT, PTAR UiTMCPP, dengan penyertaan seramai 32 orang peserta.

Sesi ini dikendalikan oleh penceramah dari Digital Penang, bertujuan memberi kemahiran asas dalam suntingan video menggunakan aplikasi CapCut. Program ini diharapkan dapat membantu peserta meningkatkan kreativiti mereka dalam menghasilkan kandungan digital.





➤ Sesi UNI Tour : Lawatan ke PTAR UiTMCPP sempena Program Engineering 101 yang dianjurkan oleh Chemical Engineering Student Society (ChESS) dengan kerjasama Persatuan Ikatan Mahasiswa Kejuruteraan Mekanikal (i-MECHY), Persatuan Mahasiswa Kejuruteraan Elektrik (PMKE) dan Penang Civil Engineering Student Society (PCES) UiTM Cawangan Pulau Pinang

40 orang pelajar Kolej Matrikulasi Kejuruteraan Kedah

12 Januari 2024



➤ Lawatan Pembimbing Rakan Sebaya Sekolah Menengah Kebangsaan Tinggi Bukit Mertajam, Pulau Pinang

51 orang pelajar,
4 orang guru pengiring

5 Februari 2024

Perjumpaan bersama mantan YDP MPP UiTMCPP, Saudara Putera Haikal Iskandar Syamsudin bagi membincangkan tentang prosedur penubuhan Kelab Sukarelawan Perpustakaan pada semester akan datang.

10 JANUARI 2024



Penyerahan sijil lantikan sebagai pegawai pengelas UiTM Cawangan Pulau Pinang telah diserahkan oleh Prof. Madya Ir. Ts. Dr Siti Noraini Sulaiman kepada Prof. Madya Ir. Dr. Nor Azlan Othman daripada Pengajian Kejuruteraan Elektrik dan Dr. Mohd Nadzri Mohd Najib daripada Fakulti Farmasi.

17 JANUARI 2024



Majlis Perasmian Pesta Buku Pulau Pinang 2024

1 FEBRUARI 2024



**Lawatan santai YBhg. Profesor Datuk Dr. Shahrin bin Sahib @ Sahibuddin,
Naib Canselor Universiti Teknologi MARA ke UiTM Cawangan
Pulau Pinang Kampus Permatang Pauh**

4 MAC 2024



**Perbincangan Kemudahan Wi-Fi dan Unifi di PTAR UiTMCPP Bersama
Puan Nor Husaina, Pegawai Teknologi Maklumat Kanan,
Bahagian Infrastruktur UiTMCPP**

15 MAC 2024



"Kejayaan tidak datang kepada mereka yang menunggu, tetapi kepada mereka yang bertindak dan berusaha mencapainya."

- Abdul Kalam -

LIBRARY *Buzz*

PTAR UiTM Cawangan Pulau Pinang



Sidang Redaksi Library Buzz 2024

Reka letak

Rafidah Muhamad Sam

Fotografi

Rafidah Muhamad Sam

Penulis

Nor Azilawati Mohamad Azmi

Rafidah Muhamad Sam

Penyunting

Aina Nur Umairah binti Abdul Rahman

Irdina Nadia binti Mohd Madzhar

Nur Afina binti Zahari

Seksyen Korporat & Kolaborasi

Perpustakaan Tun Abdul Razak (PTAR)

UiTM Cawangan Pulau Pinang

04-382 2701